

宗祠落成記

嘉慶壬申省祠告蕝有同宗問余曰君留心宗祠
久矣各支祖宗得以合享各支子孫得以受福加
以省譜釐然開雕分送適丁卯冬幽都族柘溪公
旬宣楚南篤厚本支額祠謾序并續宇內分支統
譜誠無遺憾而君猶若有隱憂何也余肅然起而
對曰余曾祖仲彝公一支嗣息乏少家運不齊尙
忍言哉夫建祠爲先靈所憑依余曾祖仲彝於康

熙癸巳糾族修譜雍正乙巳曾祖又命余祖父三
榮倡族建祠未獲協力事隳中途乾隆己未丙寅
乙未等歲族中又數次倡捐竟猶未果余父簡軒
與叔愼徽每以不獲繼志爲恨時余尙在髫齡聆
其言謹志不忘余胞兄蒲村堂翁彬湘及族衆均
謂余曰邇年勸捐修墓事畢應倡建祠宇時錫敏
兄弟謂君若能領袖捐祠願輸白鏹十餘金敏踴
躍若此想族中豐厚之家當必有更樂解囊者自

嘉慶癸亥年余攜簿捐貲卽行議立首事共勦盛
舉同心協力踴躍從公遍四鄉歷各郡舡蜃廢齒
跋涉泥塗載離寒暑諸宗人均樂捐輸余不敏家
計淡泊硯未營生編宗譜校謬訛與諸公相與有
成者固私心所竊幸也惜曾祖仲彝公數輩不獲
親見祠宇之成每不覺泣下數行今各郡宗族聚
集宗堂與祭於祠世世常相親睦叨祖公宗德佑
啟後人各支共相輝映螽斯衍慶蘭桂騰芳遙慰

仲夔諸公素志俾余皤然白髮隨合族諸君子歡
欣拜獻大酬心愿也是爲記

五十五世孫長邑斐然章善薰沐謹識

